

"Қазына Кз"
Бекітілді
Ақпосов:

Тақырыбы:

2023-2024 оқу жылы

Мерекеге сай әсем безендірілген зал, күмбірлеген күй ойналып тұрады.

Жүргізуші: *Уа жараңдар ,жараңдар! Бәрің бері қараңдар.*

Наурыз думан басталды!

Шалқытып мерекеде ән салайық

Өнерпаз өрендерге тамсанайық.

Әнімен, биімен алдарыңызға келіп тұрған балаларымызды қарсы алайық.

Алихан: *Ассалаумағалейкум*

Ұлыс оң болсын

Ақ мол болсын!

Сырым: *Уағалейкумассалам*

Ұлыс оң болсын

Ақ мол болсын!

Екі бала төс қазыстырып аман-саулық сұрасады.

Алихан: *Күн мен түн теңелді*

Жер шуаққа кенелді.

Соны тойлар ел енді.

Наурыз тойы - салтымыз.

«Көгерсін», - деп халқымыз.

Көшеге тал егеміз.

Сырым: *Бата беріп атамыз,*

Бата беріп апамыз

Тәтті болып жасалған

Наурыз дәмін татамыз.

Жүргізуші: *Наурыз келді қараңдар*

Көктеді қыр-жағалар

Наурыз тойын тойлайық

Жаңа жылда балалар- дей келе келесі кезекті балаларымыздың орындауында «Көктем» әніне берейік.

Ән : «Көктем»

Жүргізуші : Жарайсыңдар балалар.

Көрініс

«Тақпақ айтам тақылдап» - демекші балаларымыздың тақпақтарын тыңдайық.

Айша: Жаңа жыл! жаңа жыл!

Бақыт жылы болғайсың!

Бізге беріп жаңа жыр,

Бізден алғыс алғайсың!

Айым:Күнтізбенің парағын,

Бүгін аңдап қарадым.

Мерекелі күн кепті,

Жыртпаймын мен бұл бетті.

Раяна: Әже көже қайнатты,

Үлкен қара қазанға

Әртүрлі дән салып

Дәмін тәтті байқапты.

Айкөеркем: Наурыз тойы елдің тойы

Көктем тойы төлдің тойы

Ән айтатын күні бойы

Жақсы көрем Наурыз тойын.

Хадича:Құлын,тай басты көгалды

Көгілдір көрпе жамылған.

Көлдерге құстар оралды,

Туған жер қыстай сағынған.

Аяла: Жарқырап тұр күніміз,

Жайқалсын жас гүліміз.

Бақта бұл-бұл сайрасын.

Сәнді көктем нұрымен

Наурыз тойы - жырымен

Көңіл гүлдей жайнасын.

Марғұлан: Көктем келді су ақты

Күннің көзі шуақты

Көктем келді гүл өсті.

Жүргізуші: Көйлектері тал бойына жарасқан

Сымбаттары ай мен күнге таласқан

Бүлдірішіндер ортада би билейді

Қимылы мен әуені үйлес тапқан.

«Арқан тартыс» ұлттық ойыны

Бүлдірішіндеріміздің «Қамажай» биін тамашалайық.

Би: «Қамажай»

Жүргізуші: Балалардың тақпақтарын тыңдайық.

Досымжан: Ата-бабам тойлаған,

Наурызым, армысың?

Қызығына тоймаған,

Дархан дала, қарлы шың.

Камранбек: Жерді жапты көк кілем,

Ондай кілем жоқ білем!

Көктем келді күлімдеп,

«Міне, саған гүлім!» деп

Нұриман : Қарды ерітіп жылғасы,

Наурыз келді - жыл басы

Шуақ төкті жарық күн

Мейрамында халықтың.

Мейіржан: Наурыз тойы әдемі

Әжем еске түсірді...

Біздерге арнап әдемі

Наурыз көже пісірді.

Алихан: Наурыз тойы тамаша

Наурыз тойы жаңаша

Табиғатта тамаша

Тамылжып тұр жараса.

Рамазан: Көлдің мұзын күн тесті,

Әптақ тонын жер шешті.

Жан-жақтан күн күркіреп,

Жаңбыр жауды сіркіреп.

Жүргізуші: Жігіттеріміздің «Қамшы» биін тамашалайық

Би: «Қамшы»

Жүргізуші: Құлақтан кіріп бойды алар,

Әсем әнмен тәтті күй.

Көңілге түрлі ой салар,

Әнді сүйсең менше сүй!- деп Абай атамыз жырлағандай «Қазына kz» қыздарының орындауында


«Қош келдің, төрлет Наурызым» әні.

Ән: «Қош келдің, төрлет Наурызым»

Жүргізуші: Жарайсыздар!

Жүргізуші: Біз қазақ халқы салт-дәстүрге бай халықпыз. Салт-дәстүріміздің бірі Тұсау кесер. Барлығымыз тұсау кесер рәсімін тамашалайық.

Жүргізуші: Наурыз мерекесі құтты болсын. «Наурыз келді, алақай» атты мерекелік іс – шарамызды аяқтай келе, көңіл бөліп келгендеріңізге рахмет.

Тарапкер: 



«Наурыз келді, алақай!» атты іс-шара барысында





«Наурыз келді, алақай!» атты іс-шара барысында

